



Publicaziuns dalla vischnaunca, jamna 2

Damonda da baghegiar

2024-1000.000

Datum dalla publicaziun: 12 da schaner 2023

Ilis patrums: Tobias Schuster & Larissa Fry Schuster
Representants: Tobias Schuster & Larissa Fry Schuster
Intenziun: Engrondaziun dalla surfatscha da habitar el plaunterren
Edifeci nr.: 712
Parcella: 625
Adressa: Via Alpsu 33, 7180 Disentis/Mustér
Zona: Zona da habitar mischedada 3 (HM3)
Zona da prighel: Negina

Protestas:

Ilis plans da construcziun ein deponi tier l'administraziun communal. L'investa publica cuoza 20 dis dapi il datum dalla publicaziun.

Eventualas protestas encunter sura damonda da baghegiar ein d'inoltrar a scret enteifer 20 dis all'instanza da baghegiar, caum postal 57, 7180 Disentis/Mustér. La protesta sto esser motivada e suttascretta dil recurrent ni da siu representant.

Uffeci da baghegiar Disentis/Mustér

Lubientschas da baghegiar

L'instanza da baghegiar ha concediu suandontas lubientschas da baghegiar:

Nr. 2023-1028.001

ipz ingenieure + planer ag, Via Lucmagn 7, 7180 Disentis/Mustér; **adattaziun dil project:** midada da diever, novas localitads da biro, nova entrada cun in tetg egl edifeci nr. 724, novas inscripziuns, parcella 852, Via Sursilvana 11, 7180 Disentis/Mustér.

Nr. 2023-1080.000

Fundaziun PUNTREIS, Via Cons 11, 7180 Disentis/Mustér; niev cundrez fotovoltaic vid la fatschada sidost, parcella 3865 (962), Via Cons 11, 7180 Disentis/Mustér.

Nr. 2023-1081.000

Pauli Desax, Via Sogn Gions 3, 7180 Disentis/Mustér e Tamara Ricarda Nold, Via Gassa 3, 7107 Flims Dorf; remplazzament d'ina finiastra ed izolaziun dalla fassada e niev indrez fotovoltaic, parcella 770, Via Sogn Gions 3, 7180 Disentis/Mustér.

Uffeci da baghegiar Disentis/Mustér



Annunzias da baghegiar

All'istanza da baghegiar ei sin fundament digl art. 64, alinea 2 dalla lescha da baghegiar e digl art. 40 dall'ordinaziun davart la planisaziun dil territori dil cantun Grischun OPT vegniu annunziau ils suandonts projects:

Nr. 2024-2000.000

Annik & Alessandro Lardi, Leibrächistrasse 5, 8185 Winkel; niev cundrez fotovoltaic sin il tetg, parcella 1444, Via Dargun 8, 7180 Disentis/Mustér.

Nr. 2024-2001.000

Fabienne & Dieter Kuhn-Badet, Wehntalerstrasse 71, 8057 Zürich; construcziun d'ina stora da balcon, parcella 562, Via Funs-Dado 9, 7180 Disentis/Mustér.

Uffeci da baghegiar Disentis/Mustér

Cussegl da vischnaunca

Il cussegl da vischnaunca seraduna **mardis, ils 23 da schaner 2024**, allas 19.30 ella stanza da sedutas Cumiera sper la cafetaria el Center Fontauna.

Tractandas:

1. Protocol 27-2021/2024
2. Elecziun d'inA dumbravuschs pigl onn 2024
3. Via Raveras: Aboliziun dalla procedura da contribuziun (messadi 46-2021/2024)
4. Revisiun parziala dalla planisaziun locala: Explotaziun da crappa a Ragisch/Mumpé Medel (messadi 47-2021/2024)
5. Concept da molocs 2024: Credit (messadi 48-2021/2024)
6. Ura da damondas (conform ad art. 44 dil regulativ da fatschentas)

Il president dil cussegl da vischnaunca



Invitaziun alla surdada dil Premi Desertina 2024

Venderdis, ils 12 da schaner 2024 surdat la suprastonza communal il Premi Desertina. La surdada entscheiva allas 19.00 en halla Cons. Las duas suandontas uniuns vegnan honoradas

- premi da renconuschientscha al Chor baselgia Segnas
- premi da promoziun all'Uniun culturala Disla.

La surdada vegn enramada musicalmein dalla formaziun «Las musicantas» sut la direcziun da Clau Scherrer. Suentar igl act festiv offerescha la vischnaunca in apéro.

L'occurrenza ei publica.

Cordiala invitaziun a tuts interessai.

Cumissiuon Premi Desertina / suprastonza communal

Scamond d'envidar fiugs artificialis che caschunan canera

Per motivs dil schurmetg digl ambient e dils animals decretescha la suprastonza communal naven d'immediat sigl entir intschesch dalla vischnaunca da Disentis/Mustér in scamond da barschar fiugs artificialis che caschunan canera (rachetas etc.). Fiugs artificialis sco sbrenzlas ni vulcans restan lubi, cun quei ch'els caschunan minimas immissiuns da canera ed il rufid sa vegnir dismiss controlladamein.

Suprastonza communal

Controlla da habitonts

Mortoris

Maria Luzia Arpagaus-Lutz, naschida ils 22 da mars 1926, morta ils 29 da december 2023

Ugo Martin Deflorin-Gilli, naschius ils 29 da fenadur 1941, morts ils 7 da schaner 2024

Administraziun communal Disentis/Mustér

Oz en biblioteca!

Kino da cudischs da maletgs cun Mats, la miur

Has ti plascher da vegnir en biblioteca e tedlar marvegliusas historias ord cudischs da maletgs? **Venderdis, ils 12 da schaner 2024** allas 14.30 legin nus avon e mussein vid ina gronda preit ils maletgs ord in cudisch da maletgs.

L'occurrenza ei adattada per tut ils affons che san gia tedlar tier bein. Naturalmein astgas ti era prender cun tei tia mumma ni in'otra persuna.

Nus selegrein zun fetg sin tei.

Mats, la miur ed il team dalla biblioteca populara Disentis/Mustér e contuorn



Gruppa da teater Mustér

Ina notg fatala – Produenziuns:

Venderdis, ils 19 da schaner 2024 allas 20.15
Sonda, ils 20 da schaner 2024 allas 20.15
Venderdis, ils 26 da schaner 2024 allas 20.15
Sonda, ils 27 da schaner 2024 allas 20.15
Dumengia, ils 28 da schaner 2024 allas 14.00

Reservaziuns: Mardis e mesjamna las 18.00–20.00 sut 077 205 85 05 ni sut it-surselva.ch/tickets.

Nus selegrein zun fetg sin vossa viseta.

Inserat!

Invitaziun SENIORA-CA

SENIORA-CA = il liug da sentupada per senioras/seniors 60+ Mustér e contuorn

Gievgia, ils 18 da schaner 2024 excursiun a Caischavedra
Gentar allas 12.20 en stiva Pius per in prezi favoreivel.
Silsuenter troccas, jass, giugs e buna cumpignia.

Annunzia tochen mardis, ils 16 da schaner 2024 allas 17:00 uras a PUNTREIS sut 081 929 56 56.
Rimnada allas 11.55 uras a sontga Catrina sper la cabina (bus local arriva allas 11.49 uras).

Il viadi ed il dessert cun caffè ein offeri dallas Pendicularas Mustér.

Team SENIORA-CA

Preavis fiasta dil vitg Mustér 2024

La proxima fiasta dil vitg Mustér ha **liug ils 17 d'uost 2024**.

Motto: Tradiziun ed innovaziun

Las uniuns dil vitg vegnan aunc contactadas dil comité d'organisaziun. Persunas che havessan interess da s'engaschar sin ina ni l'autra moda ein supplicai da s'annunziar sut: info@mustersentaupa.ch

Bien engraziament!
